

Drööm un Würkelkeid liegen faken dicht binanner

Heel un dall löss van d' Eer sweevt dat Ruumschipp...“ – dat hett Juri Gagarin för 60 Jahren beleven dürst. An d' 12. April 1961 wurr he as de eerste Minsk in 't All stüürt. 108 Minuten düürde sien besünner Flüggt. He kunn darbi en Utsicht geneten, de vördeem blot Flegen, een Aap un en paar Hunnen to Gesicht kregen hebben.

Wat för en Mielensteen för de Ruumförsken! Dat, wat buten uns Eer geböört, to unnersöken, daarvan hebben vör mehr as 2000



Insa Schindler

Jahren all de Griechen drööm. De Franzmann Jules Verne hett 1870 een Book över de „Reis um de Maan“ schreven.

Vööl harren domaals blot en Schüttkoppfen för hum över. De hett vielleicht Muusnütten in de Kopp...

Dat de eerste Landen up de Maan rund 100 Jahren later mögelk was un darbi enig van Jules Vernes Ideen umsett worden bünd, damit harr woll nüms rekent.

Van de Hemel, de Steerns, de Planeten, dat Universum un dat Frömde, wat damit verbunnen is, worden ok vandage Minsken antrucken. Vielleicht is dat een Grund daarför, warum de Singer Peter Schilling mit dat Leed „Major Tom“ so vööl Erfolg hatt hett. In de Hochtied van de Neje Düütske Welle broch he sien Sang 1982 up de Markt. Ok knapp veer Jahrteihnten later singen un dansen Lüü up Festen daarna un dat, obwoll sük dat Leed um de Dood van en Astronaut dreiht, de bevörsteiht.

Man Major Tom is upstünds ok bi vööl Grundschööl-Kinner hoch in d' Kurs. Een Bokenrieg ut de Tessloff-Verlag heet: „De lüttje Major Tom“. Se dreiht sük um de lüttje Nawass-Astronaut Tom un sien Fründin Stella. Tosammen mit de Roboter-Puus Plutichen beleven se Abenteuer in 't All. Nebenbi worden de lüttje Lesers en heel Bült rund um dat Thema „Ruumfahrt“ gewahr un marken, wo spannend Westenskuup wesen kann.

De Idee to dit Projekt stammt ok van Peter Schilling un wurr tosammen mit Dr. Bernd Flessner umsett,

KOLUMNE

Moin. Moin
Schrievers allerbest
Pläseer
Sprak
hoop
Vertellisel
Smüstern

Platt maakt

mit Unnerstützen van dat Düütske Ruumfahrtzentrum. Alexander Gerst hett sogar een Major-Tom-Figur mit up en van sien egen Missionen mitnomen. De lüttje Major Tom weet also, waarvan he proot.

Dat Leed van „Major Tom“ hett mi över all de Jahren in sien Bann trucken. Wenn de Melodie löppt, krieg ik gode Luun. Man mehr hett dat bi mi nich utlööst. As ik nu mit mien lüttje Fent „De lüttje Major Tom“ lesen muss, bünd mi daartegen an so mannig Stee de Ogen open gahn.

Kumplizeert Tosammenhungen worden so utanner puult, dat ok en Kind dat begriepen kann. Heel nebenbi hett mien lüttje Knevel ok noch dat Lesen lehrt un he weet nu, wat he n' maal worden will: Astronaut!